


# 道元卷之二百四十八

<p> 主帅金官总管提点天下神庙如意通灵使者潘将军耿忠，青面，红鬃学鬃向后，红绛衣，绯袍红飞带，绿吊澆或跣足，步五色彩云，或躡草履，左手哨指，右手执铁枪，枪上有青蛇一条缠之，青蛇常向将军前。将军九月初五日生，专务救危济难，助道通灵，开化愚迷，回向正道，寻贤谒贵，致瑞迎祥。每以初二日十六日祭之，立应。副帅五方传文符篆疾捷使者许迈真，紫堂面色，曲脚幞头，绿仙带，黄绛衣，红袍绿靴，左手捧符文，右手执斧，飞走相。监符都捉邪疾捷使者锺思文。红白面，美须，曲脚幞头，绿仙带，红绛衣，绿袍绿靴，左手捧符丈，右手执剑，飞走相。杳杳冥冥，天地同生。闻呼即至，遇召疾临。谨召直日符使，土地正神，承符奉召地部溟冷宫金官总管如意将青面使者潘将军耿忠，五方传文符篆许使者迈贞，监符捉邪锺使者思文，速至速至疾速至。唵吽吽勅煞摄。天雷隐隐，地雷轰轰。青面报应使者潘耿忠，传文使者许迈真，捉邪使者锺思文，奉符勅召，不得久停。速至坛所，听吾叮咛。唵吽吽勅煞摄。奉玄天元降勅疾。念金真咒心咒密勅 金真朗郁，流响云营。玉音摄炁，灵风聚烟。紫虚郁秀，辅翼万仙。千和万合，自然成真。许先定入符布金光 天医五雷总管许元帅先定。顶天丁冠，面红白，美貌，皂袍金甲，仗剑，部领田崔刘陶高五大天将，天医符医炁医三大圣，六职治官，十二治病功曹童子。天医使者，大振威灵。救民疾苦，断绝妖精。护身去病，永保长生。众神稟令，勅到奉行。金官如意将青面使者潘耿忠，奉召天医五雷总管许先定元帅，五方雷将田崔刘陶高五大将，天医符医炁医三大圣，六职治官，十二治病功曹童子，疾速随符救治见患某所染病患，即与痊安。急急如上帝律令。烧符入水中，与病者吞服。或虚书水中，亦可。产难，用井花水、长流水、枣汤、降真汤服。北斗五雷主，黑暗鸣天鼓。风伯扫瘟黄，电母除病苦。霹雳伐妖精，雨师行法雨。灌溉入三焦，清凉通脏腑。重处即时轻，损处即时补。热处即时凉，积处即时去。危处即时安，痛处即时住。急急如神霄真王大帝勅。默念秘咒，勅符

，天医许总管仗剑，部五雷三医诸将，随符乘风云，往患家治病，立候报应。 唵呬□唵嚩摩哪□啰唎□𣎵呬呬佛呬呬嘻摩哪晒鸣□摩唵嚩唵吽吽吽吽娑诃。 此法符诀繁多，得者日用行持，敬而奉之。金官如意，专以匡扶正教，助道通神，致瑞迎祥，如心遂意。或登黄阁，或躡青云，指示迷津，开通要路。凡人遇灾投请，即书召天医治病符，遣潘许二使者召天医随符至，即以符给请符者，或治病，或熏邪，或司命前遣崇，皆可。奉行之士，常存神炼真，心怀利济，同积玄功，而登仙秩矣。



[下载本文pdf文件](/pdf/2671-道元卷之二百四十八.pdf)